

UGOVOR
o nabavci klima uređaja

zaključuje se između

JAVNA USTANOVA HISTORIJSKI ARHIV SARAJEVO, Alipašina 19, Sarajevo, kojeg zastupa Ismeta Džigal - Berkovac, direktorica (u daljem tekstu: Kupac)
i
“**SES**” **d.o.o. Sarajevo**, ul. Bačići 11., Sarajevo, kojeg zastupa Ibrahim Dedović, direktor (u daljem tekstu: Prodavac)

Član 1.

Predmet Ugovora je kupoprodaja klima uređaja za koje je proveden postupak direktnog sporazuma.

Prodavac je dostavio ponudu koja odgovara uslovima iz tenderske dokumentacije na osnovu čega je Prodavac izabran da izvrši nabavku robe koja je predmet ovog ugovora.
Ponuda Prodavca je sastavni dio ovog ugovora.

Član 2.

Ugovorna cijena iz člana 1. ovog ugovora je 3.000,00 KM bez PDV-a, odnosno 3.510,00 KM sa PDV-om.

Član 3.

Ugovorne strane su saglasne da je Prodavac izvršio svoju obavezu kada preda Kupcu robu koja je predmet ovog ugovora u skladu sa članom 1. ovog ugovora.

Član 4.

Nakon prijema robe Kupac će izvršiti isplatu ugovorene cijene u roku od 60 dana od ispostave računa na transakcijski račun prodavca Unicredit banka broj: 338 320 226 591 5450.

Član 5.

Prodavac će robu isporučiti u sjedište Kupca odmah po potpisivanju Ugovora o nabavci.
Ugovorne strane su saglasne da se prijem robe izvrši zapisnički putem Komisije koju sačinjavaju predstavnici svake ugovorne strane.

Član 6.

Zapisnik iz člana 5. ovog ugovora je osnov za plaćanje ugovorene cijene.

Član 7.

Ukoliko se nakon prijema robe od strane Kupca pokaže da roba ima neki nedostatak koji se nije mogao otkriti uobičajenim pregledom prilikom preuzimanja robe, odnosno ima skriveni nedostatak, Kupac je dužan o tom nedostatku bez odlaganja obavijestiti Prodavca.
Ako Kupac ne obavijesti Prodavca o skrivenom nedostatku u roku od 30 dana od dana kada je uočio nedostatak nema pravo na reklamaciju.

Član 8.

Ukoliko se od strane zajedničke Komisije utvrdi da roba koju je Prodavac isporučio ima nedostatke u kvalitetu ili očigledne greške, ugovorne strane su saglasne da ih prodavac otkloni u roku od 30 dana od dana sačinjavanja zapisnika o reklamaciji, a ako to ne učini u ugovornom roku, Prodavac je dužan robu koja se reklamira zamjeniti novom robom koja ima jednake ili iste karakteristike.

Član 9.

Prodavac se obavezuje da osigura servisiranje robe koja je predmet ovog ugovora u garantnom roku.

Član 10.

Za sve odnose i institute koji nisu utvrđeni ovim ugovorom, a proisteknu prilikom njegove primjene, koristiće se odgovarajuće odredbe Zakona o obligacionim odnosima.

Član 11.

Eventualne sporove ugovorne strane će rješavati sporazumno, a ako se ne dogovore ugovaraju nadležnost suda u Sarajevu.

Član 12.

Ugovor se smatra zaključenim kada ga potpišu obje ugovorne strane.

Član 13.

Ovaj ugovor sačinjen je u četiri istovjetna primjerka od kojih svaka od ugovornih strana zadržava po dva primjerka.

PRODAVAC
DIREKTOR

Ibrahim Dedović

Broj: 181-UG-72/25
Sarajevo, 09.10.2025

KUPAC
DIREKTOR

Ismeta Džigal - Berkovac

Broj: 02-1829-9/25
Sarajevo, 29.09.2025.godine